

9. Korrika. Non da emaztea?

Korrikaren 9. edizioa 1995eko martxoaren 17an hasi zen Donibane Garazin, eta, 2.150 km egin eta gero, martxoaren 26an bukatu zen Gasteizen, "Jalgi hadi euskaraz" lelopean; egun hartan, Andre Maria Zuriaren plaza txiki geratu zen. Euskaraz idatziriko lehen liburuak 450 urte bete zituela-eta, haren egileari, Beñat Etxepareri, nolabaiteko keinua egin nahi izan zion AEK-k. Batetik, leloa aukeratzean, idazle baxenabartarrak aldarrikatu zuen "Euskara jalgi hadi mundurat" gaurkotu zuten; eta, bestetik, idazlea baxenabartarra izanik, Garazitik abiatu zen lasterketa, KORRIKA Nafarroa Beherean sekula hasi gabea zegoela.

Lekuko barruko mezuaren egilea, eta omendua, Mikel Laboa musikaria izan zen, eta berari buruzko liburu ere kaleratu zuen Korrikak; musikaz, berriz, Kepa Junkera eta Edorta Jimenez arduratu ziren, hainbat kolaboratzaileekin batera.

Edizio horretako abestiak erritmo dantzagarririk dauzka, eta buruan segituan sartzen diren horietakoa da. Horregatik, Korrikaren abesti kuttunetako bat bihurtu zen. Ez al dakizue oraindik zein kantaz ari naizen, ala? Zatitxo bat jarriko dizuet (...) Zer iruditu? Gustatu zaizue? (...) "Jalgi hadi euskaraz" kantaren sorkuntzan euskal kulturako pertsonaia handi batzuek hartu zuten parte:

Edorta Jimenez hitzez kargutu zen, eta Kepa Junkera musikaz (egon! Agian, ezagunagoa egingo zaizue honela (...)). Ahotsei dagokienez, hor ere artista handiez inguratu ziren. Entzun zatitxo hau, ea ezagutzen duzuen (...) Hori Mikel Errazkin da, Sorotan Bele taldeko txirularia. Ea abesti honetan hobeki antzematen diozuen (...). Orain, beste zatitxo hau (...) Hori Alex Sardui Gatibu taldeko abeslaria da. Akaso, kantatu honekin errazago igarriko duzue (...). Baina, hirugarren kolaborazio bat ere badugu, kasu honetan bi emakume! (...) horiek Maixa ta Ixiar dira, ea honela ezagunagoak egiten zaizkizuen (...).

Pasa den atalean, emaztegai bati gertatutako istorioa kontatu nizuen azaletik; ziur nago ea zer gertatu zitzaion jakiteko gogoz gelditu zinetela, ezta? Pasadizo hori ez zitzaion Julia Robersi Estatu Batuetan gertatu, ez; istorioa Bilbo/Erandioko Enekuri auzoan pasatu zen. Korrika 9ren 1.978. kilometroan, neska ezkonberri bat, soineko zuriz jantzita, bere ezkontza ospatzen ari zen lagun eta senideen artean. Hara non Korrika igaro zen bertatik! Bi aldiz pentsatu gabe, jantzi zuriaren gona altxatu, lekukoa eskuan hartu (bai, bai, Korrikaren lekukoa!), eta ziztu bizian abiatu zen kilometroa egitera. Ez dakigu kilometroa egin eta gero senarrarengana bueltatu ote zen...

Ai, a zer nolako kontu eta komeriak! Baina gaurko atalari ere bukaera eman beharko zaio. Hurrengoan ja 10. ediziora iritsiko gara; zer azkar, ezta? Gaia zertxobait aldatuta, inoiz Donejakue edo Santiago bidea egin al duzue erromes? Bada, 10. edizioan bi gazte eduki genituen Korrikaren ibilbidean erromes. Istorioa ezagutu nahi baduzue, ez galdu hurrengo atala. Bitartean, txintxoak izan. Agur, eta ondo izan!